



Austrheim
KOMMUNE

Økonomireglement

Vedteke i Austrheim
kommunestyre,
14.12.2023

Innhold

Generelt om økonomireglementet	2
1.1.Føremål.....	3
1.2.Overordna rammer/heimel.....	3
1.3.Andre reglement knytt til økonomiforvaltinga.....	3
2. Styringsprinsipp	3
2.1.Målsetting med økonomistyringa.....	3
2.2.Økonomistyring.....	3
2.3.Økonomiske måltal.....	4
3. Kommunen sitt økonomisystem	5
3.1.Kommuneplan.....	5
3.2.Økonomiplan og årsbudsjett.....	6
3.3.Oppfølging av budsjett og rapportering.....	8
3.4.Årsrekneskap og årsmelding.....	8
4. 4 Roller og fullmakter	9
5. Rekneskapsprinsipp	10
5.1. God kommunal rekneskapsskikk.....	10
6. Kontoplanen	11
7. Kjøp og sal av varer og tenester	12
7.1.Innkjøp, attestering og tilvising av faktura.....	12
7.2.Inngående faktura.....	12
7.3.Refusjon av personlege utlegg.....	13
7.4.Utgående faktura og innkreving.....	13
8. Investeringsprosjekt	13
9. Finans	13
10. Amortisering av pensjon	13
11. Kommunale garantiar	14

1. Generelt om

Økonomireglementet

1.1. FØREMÅL

- Økonomireglementet skildrar kommunen sine overordna prinsipp for økonomisk styring, og korleis kommunen skal forvalta ressursane sine gjennom planar og budsjett.
- Økonomireglementet skal gje retningslinjer for utføring av oppgåver innafør økonomiområdet, for å sikra etterleving av relevante føringar på området.
- Reglementet gjeld i alle einingar i kommunen.

1.2. OVERORDNA RAMMER/HEIMEL

[Lov om kommuner og fylkeskommuner \(Kommuneloven\)](#) (omtalt som Kommunelova=KL)

[Forskrift om økonomiplan, årsbudsjett, årsregnskap og årsberetning for kommuner og fylkeskommuner mv.](#) (omtalt som Forskrifta=FKR)

[Forskrift om rapportering frå kommunar og fylkeskommunar](#)

[Forskrift om kommunalt rapporteringsregister \(KOR\)](#)

[Forskrift om kommunale og fylkeskommunale garantiar.](#)

[Forskrift om kommunar og fylkeskommunar sin finans- og gjeldsforvaltning](#)

[Lov om offentlige anskaffelser](#)

[Forskrift om offentlige anskaffelser](#)

- Dersom det skjer endringar i lov, forskrift eller avgjerder om korleis desse skal tolkast, vil alltid lov og forskrift har rang før reglementet.

1.3. ANDRE REGLEMENT KNYTT TIL ØKONOMIFORVALTINGA

- Delegeringsreglement. [Lenk.](#)
- Finansreglement. [Lenk.](#)
- Etske retningslinjer. [Lenk.](#)
- Styringsdokument.
- Innkjøpsreglement. [Lenk.](#)
- Administrative rutinar innafør økonomiområdet skal knyttast opp mot dette reglementet.

2. Styringsprinsipp

2.1. MÅLSETTING MED ØKONOMISTYRINGA

Kommunen skal ha økonomisk berekraft slik at innbyggjarane kan få stabile og gode velferdstenester på kort og lang sikt.

2.2. ØKONOMISTYRING

Kommunen skal forvalta økonomien på ein berekraftig måte slik at den økonomiske handlefridomen blir varetatt over tid. For å ta vare på prinsippet om langsiktig økonomisk styring, bør tiltak av varig karakter innførast i samband med budsjett- og økonomiplanprosessen. Dersom ein likevel ynskjer å sette i verk tiltak av varig karakter utanfor budsjettprosessen, og det ikkje kan finansierast innafør sitt budsjettområde, skal

rådmannen godkjenna tiltaket eller vurderer om det må handsamast politisk før det vert sett i verk.

Kommunen sine langsiktige utgifter skal vera finansiert av langsiktige inntekter. Dette inneber at tiltak av varig karakter som blir sett i verk må ha langsiktig budsjettdekning. Tiltak som berre gjeld innafor ein avgrensa tidsperiode kan bli finansiert med inntekter som ikkje er varige, eller av fondsmidlar.

2.3. ØKONOMISKE MÅLTAL


Økonomiske måltal er eit viktig verktøy for å styre kommunen sin økonomi i ønska retning. Måltala er førande for budsjett og økonomiplan, men kan fråvikast einskilde år.

Kommunen sine måltal er:

Måltal	Minimum	Mål	Skildring
Netto driftsresultat i prosent av brutto driftsinntekter	1,75%	2,5%	Syner om drifta er finansiert av inntektene for perioden.
Disposisjonsfond i prosent av brutto driftsinntekter	10%	13%	Syner kor store reserver kommunen har.
Netto lånegjeld i prosent av brutto driftsinntekter	Ikkje relevant	85%	Syner gjeldsgraden, der målsettinga er at denne er stabil over tid.

Netto driftsresultat er hovudindikatoren for økonomisk balanse i kommunesektoren, og er eit uttrykk for kva kommunen har til disposisjon til avsetjingar og investeringar.

3. Kommunen sitt økonomisystem



3.1. KOMMUNEPLAN

Kommuneplanen er den overordna planen for Austrheim kommune, og er eit styringsverktøy for utviklinga i kommunen. Planen omfattar ein samfunnsdel med handlingsdel og ein arealdel. Samfunnsdelen og arealdelen er langsiktige dokument, der desse har fokus på målsetjingar i eit 12 års perspektiv. Planane vert rullert kvart fjerde år. Samfunnsdelen skal vere retningsgjevande for kommunen sin politikk i planperioden.

Den skal ta stilling til langsiktige utfordringar, mål og strategiar for kommunesamfunnet som heilskap og kommunen som organisasjon. Arealdelen skildrar noverande og framtidig arealdisponering i kommunen. Handlingsdelen i kommuneplanen skal skildre korleis samfunnsdelen skal følgast opp dei neste fire åra, og økonomiplan kan utgjere denne delen av kommuneplanen. Den skal oppdaterast kvart år, og omfatta dei fire påfølgjande budsjettår.

3.2. ØKONOMIPLAN OG ÅRSBUDSJETT

3.2.1. Føremål og innhald

- Økonomiplanen er handlingsdelen av kommuneplanen sin samfunnsdel, og skal visa korleis langsiktige utfordringar, mål og strategiar skal følgast opp.
- Økonomiplanen skal også gje ei oversikt over sannsynlege inntekter og utgifter dei neste fire åra, og korleis midlane skal prioriterast.
- Årsbudsjettet er det fyrste året av økonomiplanen, og er ein detaljert plan for kommunen sin bruk av midlar dette året. Rammene for dette året er difor like.
- Årsbudsjettet er ein bindande plan for bruk av kommunen sine midlar dette året, og skal gjelde for heile kommunen si verksemd.
- Økonomiplan og årsbudsjettet skal syne kommunestyret sine prioriteringar og løyvingar, og dei måla og premissane som planane er bygd på.

3.2.2. Budsjettprinsipp

3.2.3. Driftsrekneskapen:

- Kommunen praktiserer rammebudsjettering. Det inneber at driftsbudsjettet for tenesteproduksjonen blir lagt fram og vedtatt per tenesteområde.
- Den samla økonomiske ramma til eit tenesteområde blir fastsett som ei netto driftsramme, det vil seie summen av alle driftsutgiftene, fråtrekt alle driftsinntektene for tenesteområdet. Dette gjeld også for andre delar av driftsbudsjettet.

3.2.4. Investeringsrekneskapen:

- Investeringar blir i hovudsak lagt fram og vedtatt per tenesteområde, og synleggjort på prosjektnivå.
- Investeringar blir fastsett som brutto, det vil seie alle utgiftene for prosjektet men ikkje inntektene.
- Eit investeringsprosjekt vil ofte gå over fleire budsjettår, og i nokre tilfelle lengre enn økonomiplanperioden.
- Kommunen må difor laga ein langsiktig investeringsplan som går ut over økonomiplanperioden.

3.2.5. Økonomiplan- og budsjettprosessen

I god tid før arbeidet byrjar skal det utarbeidast ein tidsplan med milepelar for budsjettarbeidet. Kommunedirektør har ansvar for å leie arbeidet med den administrative delen av budsjettarbeidet. Arbeidet munnar ut i ein retningsgivande fireårig økonomiplan som vert lagt fram på våren kvart år, og ein meir detaljert plan med årsbudsjett om hausten.

Kommunestyret skal vedta økonomiplan og årsbudsjett før årsskiftet, jf. Kommunelova.

Den administrative prosessen startar med å laga eit analyse- og strategidokument med presentasjon av kommunen sin økonomiske status, utsikter og handlingsrom, demografiutvikling, analyse over ressursbruk i ulike tenesteområde og utvikling i investeringsprosjekt (Kostra-analyse). Deretter vert det arbeida vidare med å konkretisere behov. Kvart tenesteområde har då ansvar for å leggje fram planar, prognosar og naudsynte tiltak for planperioden, slik at mål og utfordringar frå områda kan vurderast og prioriterast innanfor dei gitte rammene. Økonomiplan skal leggast

fram slik at dei politiske vala og prioriteringane som skal takast er basert på godt grunnlag.

Økonomiplanen skal vere sett opp på ein oversiktleg måte, med oversikt over drifts- og investeringsbudsjett skilt frå kvarandre. Finansieringa av drifta og investeringane skal også skiljast. Inntekter frå sal av eigedom/kapital og låneopptak skal førast i investeringsrekneskapen.

Inntekts- og utgiftsrammene i økonomiplanen skal vera realistiske og eit beste estimat vurdert med godt fagleg og aktsamt skjønn. Økonomiplanen skal vere satt opp i økonomisk balanse. Dette inneber at netto driftsresultat for kvart år bør vera minimum 3,0 %, jf. økonomiske måltal (sjå ovanfor).

Kommunedirektør legg fram eit forslag til økonomiplanen i mai. Denne inneheld valde tiltak som administrasjonen vurderer som naudsynte. Kommunedirektør skal synleggjere eventuelt handlingsrom, slik at det er rom for endringar og omprioriteringar når planen vert vurdert i formannskapet og behandla av kommunestyret. Innstilling til økonomiplan og årsbudsjett skal leggjast ut til offentleg ettersyn seinast 14 dagar før innstillinga vert behandla i kommunestyret. Etter vedtak i kommunestyret skal økonomiplan og årsbudsjett sendast til fylkesmannen, seinast innan 1. mars i budsjettåret

Når økonomiplanen er vedteken sender kommunedirektør ut eit dokument som dannar grunnlag for utarbeiding av årsbudsjettet. Basert på økonomiplan og eventuelle naudsynte justeringar utarbeider rådmannen eit førebels utkast til årsbudsjett. Årsbudsjettet for drifta skal visast i nettobeløp på tenesteområde, og det skal settast opp i balanse. Det skal visa beløp for det år budsjettet gjeld for, innverande års budsjett og sist vedtekne årsrekneskap.

I tillegg skal det leggast fram obligatoriske økonomiske oversikter, jf. [Forskrift om økonomiplan, årsbudsjett, årsregnskap og årsberetning for kommuner og fylkeskommuner mv.](#)

3.2.6. Framdriftsplan :

Tidspunkt	Aktivitet
Økonomiplan:	
Februar	Oppstart økonomiplanarbeid
Mai	Administrasjonen sitt framlegg til økonomiplan
Juni	Innstilling frå Formannskapet
Juni	Handsaming i Kommunestyret
Årsbudsjett:	
Juni	Rundskriv frå kommunedirektør
Juli-september	Administrativt arbeid i kommunalavdelingane
Oktober	Kommunedirektør sitt framlegg vert presentert
November	Arbeid og innstilling frå Formannskapet
Desember	Kommunestyret

3.3. OPPFØLGING AV BUDSJETT OG RAPPORTERING

Budsjettet skal følgjast opp gjennom budsjettåret, og økonomiske data skal rapporterast inn til kommunestyret og formannskapet etter gjennomgang på alle tenesteområde. Det skal i tillegg rapporterast til det nasjonale informasjonssystemet KOSTRA (Kommune-Stat-Rapportering).

3.3.1. Rapportering til politisk nivå

Kommunedirektør har ansvaret for å rapportera om den økonomiske situasjonen til politisk nivå. Ved utgangen av kvar tertial skal kommunedirektør leggja fram rapport til kommunestyre, det vert rapportert til formannskapet på månadsnivå. Rapporteringa skal ha fokus på å avdekka eventuelle avvik i høve vedtatt årsbudsjett, tiltak for å oppnå balanse, prognose for året, utviklinga innanfor tenesteområda, oppnådde resultat/målsettingar og status på eventuelle politiske vedtak. Dersom det er endringar i budsjettet, skal dette også leggjast fram til behandling i tertialrapport. Årets 3.tertialrapport vert lagt fram i desember og er ein forenkla rapport som inneheld eventuelle budsjettjusteringar. Fullstendig rapport for året som inkluderer 3.tertial vert lagt fram med årsmelding. Tertialrapportane skal handsamast i kommunestyret.

3.3.2. Rapportering til administrativ leiing

Den einskilde kommunalsjef skal skriftleg rapportera til rådmann. Månadsrapportering skal innehalda ei oversikt over periodisert budsjett, forbruk i perioden og avvik for kvar einskild eining. Rapporteringa skal ha fokus på å avdekka eventuelle avvik i forhold til tildelt ramme i budsjettåret, og tiltak for å oppnå balanse. Økonomikontoret skal bistå i arbeidet, men rapporteringa er eit leiaransvar.

3.3.3. Nasjonal rapportering – KOSTRA

Kommunen skal rapportera rekneskapsdata til Kostra kvartalsvis innan fastsette datoar frå SSB. Kommunen skal rapportera ut i frå den detaljeringsgrad som er fastsett i vedlegg i forskrifta om rapportering frå kommunar og fylkeskommunar. Det skal vere oppnemnd ein kostra-ansvarleg på økonomikontoret som koordinerer innsending av alle data til Kostra.

3.4. ÅRSREKNESKAP OG ÅRSMELDING

3.4.1. Årsrekneskap

- Rekneskapen skal vere avlagt innan 22. februar året etter rekneskapsåret, og utarbeidast i samsvar med [Forskrift om økonomiplan, årsbudsjett, årsregnskap og årsberetning for kommuner og fylkeskommuner mv.](#)
- Årsrekneskapen inneheld ei oppsummering av økonomiske data som viser den faktiske ressursbruken for kommunen i rekneskapsåret.
- Årsrekneskapen skal vere avlagt ut frå dei gjeldande rekneskapsforskrifter og god kommunal rekneskapskikk.

Årsrekneskapen skal stillast opp etter oversikter spesifisert i § 5 i Forskrifta.

3.4.2. Årsrekneskapen skal skilja mellom:

- Driftsrekneskap

- Investeringsrekneskap
 - Balanserekneskap
 - Økonomiske oversikt
 - Noteopplysningar
- Dersom driftsrekneskapen ved rekneskapsavslutninga visar seg å gje eit meirforbruk (underskot) etter disposisjonane, skal dette reduserast ved å gjennomføre strykingar og reduksjon av meirforbruk ved disposisjonsfond etter Forskrifta § 4.2.
 - Ved delvise strykingar får rådmannen fullmakt til å prioritere kva for fond og overføringar til investeringsrekneskapen som heilt eller delvis skal strykast.
 - Dersom investeringsrekneskapen ved rekneskapsavslutninga visar seg å ha udekka beløp (underskot), skal dette korrigerast, jf. § 4-5 i forskrifta, ved å redusera budsjetterte avsetningar til ubundne investeringsfond, samt bruka tidlegare års avsetningar til ubundne investeringsfond.
 - Ved delvise korrigeringar får kommunedirektør fullmakt til å prioritere kva for budsjetterte avsetningar (til ubundne investeringsfond) som heilt eller delvis skal reduserast.

3.4.3. Årsmelding

Årsmeldinga skal vera avlagt innan 31. mars i året etter rekneskapsåret, og utarbeidast i samsvar med [Kommunelova § 14-7](#) og [Forskrift om økonomiplan, årsbudsjett, årsregnskap og årsberetning for kommuner og fylkeskommuner mv.](#) Årsmeldinga skal behandlast i kommunestyret saman med behandlinga av årsrekneskapen. Årsmeldinga er ei presentasjon av økonomien og verksemda gjennom året og på overordna nivå. Den skal gje opplysningar om forhold som er viktige for å vurdere kommunen si økonomiske stilling og resultat som ikkje går fram av årsrekneskapen.

Årsmeldinga skal innehalde, jf. Kommunelova §14-7)

- Skildring av økonomisk utvikling og resultat, og om den økonomiske utviklinga og om stillinga ivaretar den økonomiske handleevna over tid
- Vesentlege avvik mellom årsbudsjett og årsrekneskap, vesentlege avvik frå kommunestyrets premisser for bruk av løyvingane.
- Måloppnåing og ikkje-økonomiske forhold
- Tiltak som er iverksett og tiltak som er planlagt iverksett for å sikre ein høy etisk standard
- Tilstand når det gjeld kjønnslikestilling og likestillingstiltak som er sett i verk

Kva kommunen gjer for å oppfylle arbeidsgivars aktivitetsplikt etter Likestillings- og diskrimineringsloven § 26.

4.4 Roller og fullmakter

Kommunestyret er kommunen sitt øvste organ. Kommunestyret gjer vedtak på vegne av kommunen så langt ikkje anna følgjer av lov eller vedtak om delegering. Slik delegering er gitt i kommunen sitt delegeringsreglement. Kommunen har som hovudprinsipp maksimal delegering av mynde til kommunedirektør, men saker av prinsipiell karakter skal behandlast politisk.

Det er kommunestyret sjølv som gjer vedtak om:

- Årsbudsjett og økonomiplan, herunder vedtak om prisar/gebyr, eigedomsskatt, skatteøyre, og låneopptak
- Årsrekneskap og årsmelding
- Endringar i kommunen sine frie inntekter (skatt og rammetilskot)
- Endringar i netto driftsramme til eit tenesteområde, med unntak av forhold som ikkje er av prinsipiell karakter (t.d. fordeling av lønsjusteringspost)
- Endringar i (brutto) ramme til eit investeringsprosjekt
- Avsetting av midlar til ubundne fond og ev. omdisponering av slike fond
- Saker om konsesjon eller avtalar om leveransar eller særlege råderettar som enten bind kommunen for meir enn fem år eller har mykje å seie for kommunen sin økonomi
- Saker om å kjøpe, avhende, makeskifte eller pantsette eigedom og saker om å gje frå seg eller hefte bort rettar i fast eigedom. Unntak kan vere gitt i kommunen sitt delegeringsreglement.

Prinsippet om maksimal delegering inneber at rådmannen har øvrige fullmakter innanfor økonomifeltet, herunder vidarefordeling av tenesteområda sine budsjetttrammer, endringar innan eit tenesteområde sine budsjetttrammer og bruk av fondsmidlar til det formålet dei er avsett for.

Økonomistyring er eit leiaransvar. Leiar som har fått tildelt budsjett har ansvar for at budsjetttramma blir halde og at midlane blir brukt best mogleg til nytte for innbyggjarane og i samsvar med tenesteområdet og kommunen sine mål.

5. Rekneskapsprinsipp

5.1. GOD KOMMUNAL REKNEKAPSSKIKK

Rekneskapsføringa skal vera i samsvar med god kommunal rekneskapskikk. God kommunal rekneskapskikk vil vera i kontinuerleg utvikling i regi av Foreininga for God Kommunal Rekneskapskikk, som utviklar standardar/normer innanfor rekneskapsområdet. Kommunal rekneskapsstandardar, utforma av foreininga, har rettsleg verknad for Austrheim kommune si rekneskapsføring.

5.1.1. Grunnleggjande rekneskapsprinsipp:

1. Arbeidskapitalprinsippet

- All tilgang og bruk av midlar i løpet av året som gjeld kommunens verksemd, skal rekneskapsførast i driftsrekneskapen eller investeringsrekneskapet.
- Rekneskapsføring av tilgang og bruk berre i balanserekneskapet, skal ikkje skje.
- Arbeidskapitalen er definert som differansen mellom omløpsmidlar og kortsiktig gjeld.
- Kommunerekneskapen viser slik kommunen si evne til å dekke sine betalingsforpliktelsar, på kort sikt, jf. målet om berekraftig økonomisk utvikling.

2. Bruttoprinsippet

- Alle inntekter, innbetalingar, utgifter og utbetalingar skal rekneskapsførast brutto; det vil sei kvar for seg.

- Det inneber at det ikkje skal gjerast frådrag for tilhøyrande inntekter til utgiftspostar, og heller ikkje skal inntekter framgå med frådrag for tilhøyrande utgifter.
- Døme: investeringsutgifter skal framgå med bruttobeløp (inkludert momskompensasjon) på investeringa, og tilhøyrande momskompensasjon skal framgå på eigen inntektskonto.
- Dette gjeld også interne finansieringstransaksjonar.

3. Anordningsprinsippet

- Alle kjente utgifter og inntekter skal tas med i årsrekneskapen for vedkomande år, uavhengig om inn- eller utbetaling er føreteke når årsrekneskapen avsluttast.
- For vurdering av om vara/tenesta er levert/motteken er det av betydning om det har funne stad ein overgang av risiko og kontroll til mottakar.

4. Beste estimat

- Dersom einskilde utgifter, utbetalningar, inntekter eller innbetalningar ikkje kan fastsettast eksakt ved avlegging av rekneskapen, skal anslått beløp registrerast i årsrekneskapen for vedkomande år.

5. Forsiktighetsprinsippet

- Urealisert tap skal alltid rekneskapsførast.

6. Kontoplanen

- Kontoplanen sørgjer for ei oversikteleg organisering av kommunen sine inntekter og utgifter ved å vera ei systematisk oppstilling av dei kontoane som blir brukt i bokføringa.
- Kommunen brukar ein kontoplan internt som er spesiell for kommunen, men det skal samtidig takast omsyn til standardisert kontoplan.
- Rekneskapsrapporteringa til KOSTRA (Kommune-Stat- Rapportering) skal skje etter ein standardisert kontoplan som er felles for alle kommunar ([Kostra rettleiar](#)). Dette vert gjort slik at ein kan samanlikna rekneskapsdata til kommunane.

6.1.1. Kontoplanen for rekneskapen til kommunen skal oppfylle fleire krav:

- Dekka kommunen sine eigne behov for rekneskapsinformasjon (internkontoplanen).
- Gje grunnlag for å stilla opp rekneskapsopplysningar i tråd med krava til årsrekneskapen (rekneskapsforskrifta for kommunar og fylkeskommunar).
- Gje grunnlag til å stilla opp rekneskapsopplysningar i tråd med krava til rekneskapsrapporteringa i KOSTRA.

Kontostrengen til kommunen inneheld følgjande dimensjonar:

Dimensjon	Skildring
Teneste(=funksjon)	Obligatorisk Kostra-funksjon. Syner kva type teneste det er og kva målgruppe det primært er retta mot.

Ansvar	Knytt til ei teneste-eining/avdeling.
Konto	Kva utgifts- og inntektstypar kommunen nyttar, og om det høyrer til drifts- eller investeringsrekneskapet. Fyrste sifferet viser kontoklassen det tilhøyrer.
Prosjektnummer	Knytt til drifts- og investeringsprosjekt for å kunne skilje ut rekneskapen.

7. Kjøp og sal av varer og tenester

7.1. INNKJØP, ATTESTERING OG TILVISING AV FAKTURA

Det blir vist til kommunen sin innkjøpsstrategi og [innkjøpsreglement](#).

- Bestilling:
 - Innkjøp av varer og tenester skal som hovudregel skje via digitale kanalar.
 - Tilsett som bestiller varer og tenester for kommunen skal ha fullmakt og bestiller-rolle for å gjere dette.
 - Bestiller skal gjera varemottak på bestillinga.
 - Kontering: (=å føre på konto, ansvar, teneste og evt prosjektnummer på faktura)
 - Bestiller skal kontere og eventuelt attestera faktura.
 - Attesting:
 - Tilsett som attesterer skal sjå til at pris og levering er i samsvar med bestilling, og at fakturaen er riktig kontert med korrekt mva kode.
 - Anvisning/tilvising:
 - Berre tilsette med delegert tilvisingsfullmakt kan tilvise.
 - Ved tilvising stadfestar ein at dei kontrollhandlingane attestanten har gjort er rett, og at utbetaling kan skje.
 - Ein tilsett kan ikkje både vere attesterer og tilvisar på same faktura.
- Det blir elles vist til eigne rutinar for behandling av inngåande faktura, attestasjon og tilvising.
 - Tilsette kan ikkje attestere eller tilvise godtgjersle eller andre utbetalningar til seg sjølv.
 - Tilsette kan heller ikkje attestere og tilvise utbetalningar til ektefelle, barn og andre personar i nær slekt og i nære relasjonar.
 - Tilsette kan ikkje bestille, kontere, attestere eller tilvise fakturaer frå selskap der den tilsette har eigarinteresser.

7.2. INNGÅANDE FAKTURA

- Austrheim kommune mottok elektroniske fakturaer på EHF-format.

- EHF faktura blir elektronisk overført frå økonomisystemet til seljar og inn til økonomisystemet til kommunen.
- Så langt det er mogeleg skal alle inngåande fakturaer vere i EHF-format.

7.3. REFUSJON AV PERSONLEGE UTLEGG

- Diverse refusjonsutgifter:
 - Tilsette som har lagt ut for ei vare eller teneste som skal betalast av kommunen; krev refusjon med E-bilaget "Utlegg med godkjenner". Lenke til eigen [rutine for utleggsrefusjon](#).
- Utlegg reiseutgifter:
 - Tilsette som har lagt ut for reiseutgifter som skal betalast av kommunen; krev refusjon via reiserekningssystemet Visma Net Expense. Lenk til eigen [rutine for reiserekningar](#).

7.4. UTGÅANDE FAKTURA OG INNKREVING

- Utgåande faktura:
 - Den fakturerande eininga har ansvar for at den enkelte brukar får tilsendt korrekt faktura, og at alle som skal fakturerast blir fakturert.
 - Prisane for kommunale tenester følgjer av vedteke budsjett.
 - Kvar einingsleiar har ansvar for å sikra fakturering av alt sal av varer og tenester på deira tenestoområde.
 - Grunnlag for faktura blir overført på fil eller sendt til økonomikontoret, som sender ut faktura elektronisk via Visma sentraldistribusjon.
- Innkreving:
 - Dersom utgåande faktura ikkje vert betalt innan forfallsdato; vert kravet sendt til purring og inkasso hjå Intrum inkasso.
 - Intrum er i dialog med kommunen i utfordrande inkassosaker.
 - Tapsvurdering vert vurdert ved årsslutt. Då vert dei krava tapsført som er avskrive/avslutta hjå Intrum.

8. Investeringsprosjekt

Kommunen har eigne retningslinjer for investeringsprosjekt, som er spesifisert i eiga rutine. Desse retningslinjene skal bidra til lik handsaming av alle investeringsprosjekt. [Lenke](#).

9. Finans

Det vert vist til kommunen sitt finansreglement. [Lenke](#).

Finansreglementet gjer rammer og retningslinjer for kommunen si samla finansforvaltning, med målsettingar, risikoavgrensingar, strategiar, fullmakter og rapportering.

10. Amortisering av pensjon

Premieavvik er skilnaden mellom innbetalt pensjonspremie og netto pensjonskostnad. Dersom premien er høgere enn berekna kostnad, oppstår eit positivt avvik. I motsett fall oppstår eit negativt avvik. Premieavviket skal inntekts- eller utgiftsførast i driftsrekneskapen. Austrheim kommune skal amortisere premieavviket over eitt år.

11. Kommunale garantiar

Kommunen har høve til å stille kausjon eller annan økonomisk garanti for verksemdar som ikkje vert drive av kommunen sjølv, jf. [Forskrift om kommunale og fylkeskommunale garantiar](#). Dette gjeld ikkje næringsverksemd. Ved å stille garanti for andre sine pliktar, tar kommunen på seg ein risiko for økonomisk tap. Når ei avgjersle om å stille økonomisk garanti skal takast, må tapet derfor vegast opp mot samfunnsnytta som vil oppstå. Risikoen må samstundes minimerast så mykje som mogleg når kommunen stiller kausjon eller økonomisk garanti.